

Yungzsuij: Ciengj Geiqciet Mbaet Cazcin

Geij ngoenz daeuj, dienheiq bienq raeuj, go faexcaz ndaw suen diegbya sangnit Yungzsuij Myauz-cuz Swciyen laebdaeb daengz seiz mbaetnyaeb, boux nungzminz ndaem caz dangdieg ciengj geiqciet, mbaetnyaeb “caz daeuz”, gaenx-maenx hawj siedgoem binghraq yinxhwnj haenx bienq ceiq noix, bangrengz duetgungz gunggeng.

“Caz daeuz” dwg mbawcaz ciet cingmingz gaxgonq mbaet ma ceujguh haenx, aenvih ciet cing-mingz gaxgonq lij maqhuz nit, didngaz noix, maj sang numq, ngaiz non haih noix, mbawngaz oiqsaeq, heuswdswd rangfwdfwd, heiq hom mbaw gyaeu, caen dwg caz ndei!

(Lungz Linzci/龙林智)

► **Dahsau Myauzcuz cingq mbaet caz.**



▲ **Hagseng Bouxvauz lingx saw moq.**

Bingzgvei:

Saw Moq Soengq Mbanjyauz Nyezyauz Angqvauvau

Ndwen 3 ngoenz 10, Hocouh Bingzgvei Gih Vwnzvaz Hagdangz vihliux hawj hagseng ban Yauzdoj gibseiz lingx daengz saw moq, banh hozdung soengq saw haeuj Mbanjyauz. Bouxdaeuz caeuq lauxsae ban Yauzdoj faen baenz 6 aen cuj, dawz saw moq haggeiz seizcin bi 2020 soengq daengz gwnz fwngz lwnyez Yauzdoj 6 aen mbanj Yauzdoj Bingzgvei Gih gig gungzhoj haenx.

Mboengqneix, 3000 lai boux hagseng itcig youq ranz doenggyaq vangjdoxlienx hagsib, gyoengqde laebdaeb aeu ndaej saw moq haggeiz seizcin bi 2020 lo. Hoeng aenvih bungz seiz binghraq, hagseng ban Yauzdoj Vwnzvaz Hagdangz, mbouj ndaej bae daengz hagdangz lingx saw moq. Bouxdaeuz Vwnzvaz Hagdangz baengzgawq yawhfuengz gaemhanh sinhgvanh feiyenz hingzseiq caeuq son' gyauq fugsah yauhgiuz, gibseiz bang hagseng Mbanjyauz, guh “hozdung soengq saw haeuj Mbanjyauz”, baujmaenh hagseng Mbanjyauz gibseiz aeu ndaej saw moq. “Aeu ndaej saw moq, gou mbouj youheiq vangj mbouj ndei mbouj ndaej youq gwnz vangjdoxlienx hwnjdangz lo.” Hagseng Ya Lanz naeuz.

Vwnzvaz Hagdangz guh hozdung soengq saw neix, mboujdan baujmaenh hagseng hagsib, lij rag dep hagdangz caeuq cawjranz, hagseng. Cawjranz gamjgik hagdangz, baujcwnj guenj ndei lwg bonjfaenh, engqgya haeujcoengh hong hagdangz.

(Gyangh Vanjyingh/姜晚英 Moz Gyanghfung/莫江凤)


Ginhsiu:

Mbanjyauz Bya Heu Raemx Saw Duzlingz Seizcin Angqfaengz

Dienheiq bienq raeuj, gwnz dieg haeuj cin, mbanj go faex ngamq did ngaz, mbanj hix hai rim va moq, duzlingz youq ndaw bya Ginhsiu Yauzcuz Swciyen haenx doengh angq hwnjdaej, gyoengqde youq henz ndoeng doq ra doxgaiq gwn doq guh angq, gyaezmaij dangqmaz, caencingz haengj gyaez seizcin.

Dieg Ginhsiu Yauzcuz Swciyen youq Byadayauz cungqgyang, ndaw dieg ndoengfaex cwgoemq sang daengz 87.67% . Gaenh bi daeuj, Ginhsiu Yauzcuz Swciyen youq guh ndei ndoengfaex swnghdai vanzging henhoh doengzseiz, mboujduenh dem ak doenghduz ndaw ndoeng henhoh ligdoh, byaraemx gyaeundeir Byadayauz cingqcaen bienqbaenz diegyouq doenghduz ndaw ndoeng, bouxvunz caeuq byaraemx, doenghduz doxhuz doxmaij caemhyouq.

(Gauh Yuzginh/高如金)



▲ **Duzlingz youq gwnz faex guh' angq.**

Vanzgyangh:

Dangjyenz Ganbu Hag Leiz Fungh Bang Ndaemcin



▲ **Dangjyenz bang daiindaem.**

ndaem lai Cinz Dunghhaij bungz binghraq cingj mbouj ndaej vunz daeuj bang guh hong, couh cawjdoengh daeuj daengz dieggoek ndaem makbakhom de, youq de sonyinx lajde miz diuzleix bae gvej nywj, gvak doem, vanq vafeiz, goemq doem, guh liux 4 diemjcong, hong cij sat.

“Geij ndwen daeuj, gou itcig youheiq cingj mbouj daengz vunz daeuj guh hong ndaw suen makbakhom, ngoenzneix gig docih sou daeuj bauj suenmak gou dawzmak. Gou engqgya miz saenqsim daiq vunz lai gungzhoj duetgungz bienqfouq.” Cinz Dunghhaij angq dwk naeuz.

(Veiz Canghyoz/韦昌学 Veiz Hungzcan/韦洪站 Veiz Yungzsinh/韦荣新)